



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o sufinansiranju kulturne manifestacije od posebnog interesa za Grad Sarajevo
60. Međunarodni književni festival „Sarajevski dani poezije 2021“
(prijedlog)

Predlagač: Gradonačelnica
Obradivač: Gradska služba za obrazovanje,
kulturu, sport i mlade

Sarajevo, juni 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo („Službene novine Kantona Sarajevo“, broj 10/19), Gradsko vijeće Grada Sarajeva, na sjednici od __. __. 2021. godine, donosi:

(prijedlog)

ODLUKU

o sufinansiranju kulturne manifestacije od posebnog interesa za Grad Sarajevo 60. Međunarodni književni festival „Sarajevski dani poezije 2021“

Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, 60. Međunarodni književni festival „Sarajevski dani poezije 2021“, koja će se održati u periodu april – decembar 2021. godine, uz finansijske obaveze Grada Sarajeva u ukupnom iznosu od 15.000,00 KM.

Član 2.

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

Član 3.

Sredstva se odobravaju iz Budžeta Grada Sarajeva za 2021. godinu („Službene novine Kantona Sarajevo“, broj 2/21), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

Član 4.

Gradonačelnica Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

Član 5.

Za realizaciju ove Odluke zadužuje se gradonačelnica Grada Sarajeva.

Član 6.

Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA
GRADA SARAJEVA**

Jasmin Ademović

**Broj:
Sarajevo, __. __. 2021. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

RAZLOZI DONOŠENJA

Društvo pisaca u Bosni i Hercegovini uputilo je Gradskoj upravi Grada Sarajeva zahtjev za sufinansiranje manifestacije 60. Međunarodni književni festival „Sarajevski dani poezije 2021“, zaprimljen pod brojem 09-11-541/21 od 29.01.2021. godine, a koja će se održati u periodu april – decembar 2021. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 23.06.2021. godine, razmotrio prijedlog nadležne Službe te shodno valjanosti, značaju i kvalitetu ponuđenog programa, svoje stručno mišljenje, kao i prijedlog visine sredstava uputio na daljnju proceduru.

Međunarodna književna manifestacija „Sarajevski dani poezije“ pokrenuta je 1962. godine u cilju očuvanja i unaprjeđenja književno-estetskih i književno-etičkih standarda pisane riječi u Bosni i Hercegovini. Festival okuplja istaknute domaće i inostrane autore, afirmiše i promoviše kulturu i književnost te je namijenjen svim dobnim grupama. Programi festivala održavaju se u Gradskoj vijećnici, Domu pisaca, Muzeju književnosti i pozorišne umjetnosti, kao i muzejima, teatrima i institutima u gradu Sarajevu te, u skladu sa mogućnostima, i u drugim gradovima BiH. U „Sarajevskim danima poezije“ učestvuju ugledni bh. i svjetski pjesnici koji zauzimaju visoka mjesta u antologijama svjetske poezije i dobitnici su brojnih svjetskih nagrada i priznanja. Organizator svake godine donosi odluku o dodjeli književnog priznanja „Bosanski stećak“. Planirani broj učesnika je 40-50, a korisnika 300-400 osoba. Dio programa posvećen je i susretu mladih književnika.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2021. godinu.